



UNIVERSITÄTS-
BIBLIOTHEK
PADERBORN

Universitätsbibliothek Paderborn

Talio, Sev Metiens Et Remetiens Mensvra

Stengel, Georg

Ingolstadij, 1650

Reverendissimo Et Illvstrissimo S. R. I. Principi, Ac Domino, Domino Vito
Adamo Frisingensis Ecclesiæ Episcopo, Principi Ac Domino Meo
Clementissimo.

[urn:nbn:de:hbz:466:1-52346](https://nbn-resolving.org/urn:nbn:de:hbz:466:1-52346)



REVERENDISSIMO ET IL-
LUSTRISSIMO S. R. I. PRIN-
CIPi, AC DOMINO,
DOMINO

VITO ADAMO
FRISINGENSIS EC-
CLESIAE EPISCOPO, PRIN-
CIPi AC DOMINO MEO ELE-
MENTISSIMO.



ON leui culpâ pecca-
rem, REVERENDISSIME
PRÆSVL, PRINCEPS
ILLVSTRISIME, si, dum
de TALIONE scribo, ob-
liuiscerer TALIONIS. Tantis beneuo-
lentijs gratijsque jam sæpius à CELSI-
TVDINE VESTRA obligatus sum, vt
meritò tamquam immemor Patro-
norum accusarer, nisi tandem ali-
quando tot benefacta in luce collo-
carem. Neque ego tantùm, sed cete-
ri quoque omnes id fateri debent, è

)(2

Socie-

EPISTOLA

Societate nostra Patres, quotquot
 Frisingam viderunt, aut munificen-
 tiam experti sunt à **C E L S I T V D I N E**
V E S T R A dimanantem. Nimirum ex-
 surgunt suos in ortus bona germina;
 & rami felices radicis virtutem tra-
 hunt; dignaque erat familia, vt gene-
 ris heroici linea nobilis in hanc stir-
 pem exiret. Ita patria & auita virtus
 agit se in succidaneos filios & nepo-
 tes: & quæ laudes in Maioribus ger-
 minarunt, vt crescant, & magis ma-
 gisque efflorescant, à posteris supe-
 rantur. Itaque, vt ad reliqua prosa-
 piæ decora etiam hoc adderetur or-
 namentum, per **C E L S I T V D I N E M V E-**
S T R A M mitra accessit. Par enim erat,
 vt qui eminebat virtute, emineret
 etiam dignitate. Grande est testimo-
 nium vitæ ac morum, eligi in Princi-
 pem, & quiddam longè maius, quàm
 nasci Principem. In hoc progenito-
 rum, in illo propria virtus honora-
 tur. Nescitur adhuc, in quem euasu-
 rus

rus

DEDICATORIA.

rus sit, qui Princeps nascitur; qui eligitur, non eligitur, nisi bonus. Qualis autem in familiam suam fuit **CELSITVDO VESTRA**, talis semper extitit etiam in nostram; à qua proinde merito vicissim laude, prædicatione, litteris, monumentisq; decoranda est, cum eam ipsa prior, iudicio, æstimatione, voluntate beneuola, beneficiâque decorârit.

Sed, vt hæc priuata omittam, populus ipse ouésque Pastorem suum, sub quo ouant, laudant. Aiunt siquidem, quosdam alios Rerumpublicarum vertices, semper esse alios, & mutari cum tempestate; **CELSITVDINEM VESTRAM** autem semper inueniri eandem, semper mitem, semper suauem, semper candidam ac sinceram, semper hilariter feriam, siue in mensâ cum amicis, siue in curiâ cum officijs, siue in Ecclesiâ cum Superioris agat; nec vsquam tam nominis, quàm Numinis esse studiosam. Aiunt,

∫ 3

multa

E P I S T O L A

multa esse, quæ faciant **CELSITVDI-**
NEM VESTRAM venerandam, sed
maximè amorem ac reuerentiam se
debere ætati, & sinceritati; vt adeò
ipsa canities sit pro mitrâ. Albet ca-
pillus, sed pectus ipso capite est can-
didius. Quæ virtus, vt verè Germana,
ita veris Germanis solet esse charissi-
ma. Eant noui Politici, & sibi de ar-
tibus suis placeant, quibus cum sin-
ceritate veritatē excludunt; &, dum
alios decipiunt, se ipsos maximè fal-
lunt: solidiore fundamento nititur
CELSITVDINIS VESTRÆ fama, **IDEM**
DICERE, AC SENTIRE. Grauius animos offendunt, qui alia auribus,
alia oculis ingerunt: nec pauci è
schola Machiaueli suis artibus perie-
runt: constanter adiuuat **DEVS** in
veritate constantes. Quin & illud
tabulis dignum est, quòd non solum
CELSITVDO VESTRA semper feli-
cem se iudicârit, si alios facere pos-
set felices; sed etiam inter hos bello-
rum

DEDICATORIA.

rum turbines æquè erecto fuerit animo, atque cùm prosperitatis Fauonij spirarent; & adeò quòd mutatâ etiam cæli facie, semper tamen vultum seruârit eundem. Cicerone autem teste,

Fortis animi & constantis est, non perturbari in rebus asperis. Cic. lib. 1.^a
de offic.

in re **CELSITVDO VESTRA.** Athanasios, Chrysoftomos, Nazianzenos, aliòsque Sanctissimos Episcopos, non minùs gloriosè, quàm generosè exulantes est imitata: ad eò didicit agere & Pastorem inter oues, & ouem inter Pastores: domi vigil, foris patiens, in vtraque Fortuna lætissimè constans, quasi cum inuictissimo illo athleta diceret:

Dominus dedit, Dominus abstulit: sicut Iob. 1. 21.

Domino placuit, ita factum est: sit nomen Domini benedictum. Quis igitur miretur, si & nos **CELSITVDINEM VESTRAM**, & in illa Dominum benedicamus; vt benedictionem eò remittamus, vnde accepimus benedi-

) (4 ctionem?

EPIST. DEDICATORIA.

tionem? Quippe & hoc esse quod-
dam genus TALIONIS, hic liber
ostendet, quo REVERENDISSIMAM &
ILLVSTRISSIMAM CELSITVDINEM
VESTRAM valere diu, saluere æter-
nùm jubeo. Ingolstadij, Anno salutis
1650. Kal. Iunij.

Reu.^{mæ} & Ill.^{mæ} Cels.^{nis} V.^{ra}

Infirmus in Christo seruus

GEORGIVS STENGLIVS
SOC. IESV.